



Concept per promover la cultura en il Grischun 2025–2028

Ils accents da promoziun, las finamiras e las mesiras detagliadamain

Accent da promoziun I

Il chantun Grischun rinforza la participaziun a la cultura da tut ils circuls da la populaziun

Finamira 1

Tut ils circuls da la populaziun en il chantun Grischun han access a purschidas ed ad activitads culturalas

Mesira 1

La Promoziun chantunala da la cultura sustegna instituziuns culturalas, uniuns da la lavur culturala d'amatur, bibliotecas, scolas, scolas da musica sco er artistas ed artists,

- da realisar projects culturals dal sector professional sco er dal sector d'amateurs cun uffants e giuvenils;
- d'emprender ad enconuscher furmas multifaras da la lavur culturala ensemen cun uffants e giuvenils;
- d'envidar personas immigradas ad activitads culturalas ed al barat cultural;
- d'elavurar projects culturals che promovon la chapientscha vicendaivla per differentas furmas d'expressiun culturalas e che han damai in effect integrativ (p.ex. per personas immigradas, per differentas generaziuns, per personas cun impediments);
- projects culturals per promover il dialog tranter las differentas furmas da cultura ed il public da cultura sco er l'elavuraziun participativa da projects respectivs;
- projects per promover il svilup da formats accessibels, sco p.ex. texts en lingua facila u translaziuns en la lingua da segns u en la scrittira per tschorvs;
- da sviluppar purschidas per differentes circuls da la populaziun, las qualas promovon la chapientscha culturala tras l'intermediaziun da savida (p.ex. tras la lavur da museum e tras la promoziun da la lectura) e

da porscher e da trair a niz la cultura per intermediar savida en ils fatgs da furnaziun.

Mesira 2

La Promoziun chantunala da la cultura sustegna:

- projects culturals ch'èn destinads a circuls da la populaziun uschè vasts sco pussaivel, che sveglian la chapientscha per la cultura e che permettian in access nunbirocratic (famiglias), p.ex. tras bigliets a pretschs reducids resp. tras la cumpensaziun da perditas d'entradas;
- l'utilisaziun da purschidas culturalas per scolaras e scolars durant il temp da scola obligatoric sco er per scolaras e scolars da scolas da musica renconuschidas («scola & cultura») e
- l'instrument da promoziun existent e cumprovà «scola & cultura» ed – en collavuraziun cun l'Uffizi per la scola populara ed il sport, cun l'Associaziun da las scolas da chant e musica dal Grischun, cun ils museums, cun las bibliotecas e cun ulteriuras federaziuns – in'utilisaziun pli intensiva sco er l'engrandiment da quest instrument.
- Projects per rinforzar raits regiunalas

Finamira 2

L'intermediaziun da cultura e las cundiziuns generalas necessarias per quai vegnan optimadas

Mesira 1

- La Promoziun chantunala da la cultura sustegna – sur las federaziuns e tras personas spezializadas – il svilup da purschidas da furnaziun supplementara per l'intermediaziun da cultura (per personas d'instrucziun, per amaturas ed amatur e per ulteriuras personas interessadas).
- La Promoziun chantunala da la cultura sustegna projects per sa colliar e per barattar savida tranter personas spezializadas dal sector social e cultural. Quai duai rinforzar la participaziun a la cultura e la creaziun da cooperaziuns orientadas ad ina nova participaziun. Medemamain la savida ed il barat d'experienceschas.

Mesira 2

La Promoziun chantunala da la cultura sustegna la realisaziun da purschidas d'intermediaziun da cultura, per che la pussaivladad da la populaziun indigena e dals giasts da sa participar a la cultura possia vegnir augmentada.

Ina rolla essenziala han en quest connex las instituziuns e las federaziuns dals secturs musica e chant, litteratura, teater, saut, art applitgà e figurativ, cultura architectonica, concepziun e design, fotografia e film sco er ils var 140 museums ed archivs culturals ch'èn actualmain activs en l'entir territori chantunal.

Accent da promoziun II

Il chantun Grischun rinforza la diversidad linguistica e regiunala da la lavur culturala

Finamira 1

La conscienza per la plurilinguitad, per il patrimoni cultural, per las tradiziuns vividas sco er per la lavur culturala e per la perscrutaziun da la cultura vegn rinforzada. Il barat cultural tranter las cuminanze linguistics e regiunalas entaifer ed ordaifer il chantun vegn promovì

Mesira 1

Projects culturals che s'occupan pli profundamain cun ils svilups culturals, linguistics e socials dal Grischun sco er cun la conservaziun, la perscrutaziun e l'intermediaziun dal patrimoni cultural, vegnan sustegnids.

Mesira 2

Purschidas sco per exempel turneas, represchentaziuns ospitantas e projects culturals, che contribueschan al barat cultural e turistic cultural tranter las cuminanze linguistics e culturalas, vegnan promovidas spezialmain, saja quai en il sectur professional sco er en il sectur d'amateurs.

Mesira 3

I stattan a disposiziun meds finansials per la translaziun plurilingua e confurma a las gruppas en mira (p.ex. lingua facila, lingua da segns) da projects culturals e d'occurrentas culturalas.

Mesira 4

La communicaziun plurilingua d'instituziuns culturalas betg chantunalas vegn sustegnida. Chasas impurtantas en il chantun sco er organisaturas ed organisaturs cun forza d'attracziun e cun valor d'identificaziun prendan en mira ina trilinguitad commensurada per lur communicaziun. Las linguas d'ina regiun survegnan la precedenza.

Finamira 2

Las acturas ed ils acturs culturals en il chantun Grischun èn colliads in cun l'auter sur las regions ora, profitan dal know-how vicendaivel e tiran a niz las sinergias disponibilas

Mesira

Il chantun promova e sustegna las raits da contact, il discurs ed il barat da savida. Per quest intent po l'Uffizi da cultura envidar regularmain a dietas tematicas.

Finamira 3

Die Las acturas ed ils acturs culturals e las personas responsablas per il svilup regional e per il turissem vesan il potenzial, las schanzas e las pussaivladads da sviluppar, da realisar e d'intermediar cuminaivlamain projects culturals

Mesira

L'Uffizi da cultura examinescha ed evaluescha – integrond l'unien «graubünden Cultura» sco post da svilup e da servetsch chantunal per las organisaziuns e per las acturas ed ils acturs dal turissem cultural dal Grischun – il potenzial da sinergias tranter las acturas ed ils acturs da la lavur culturala, las personas responsablas per il svilup regional e las personas responsablas per il turissem. Sche necessari duain uschia vegnir definids champs d'acziun cuminaivels.

Accent da promoziun III

Il chantun Grischun rinforza las cundiziuns da produzioni per la lavur culturala

Finamira 1

Las premissas per producir, coordinar e preschentar projects culturals vegnan optimadas

Mesira

La Promoziun chantunala da la cultura sustegna cun contribuziuns finanzialas l'emprest / la fittanza da tecnica da tribuna speziala sco er d'instruments da musica spezials

Finamira 2

La segirezza da planisaziun per artistas ed artists sco er per instituziuns culturalas vegn optimada

Mesira 1

Per in spazi da temp definì vegnan fatgas cunvegnas da prestaziun resp. vegnan extendidas cunvegnas existentas.

Mesira 2

I vegnan sviluppads e realisads models da promoziun che tegnan quint da l'entir process d'in project cultural u artistic, davent da l'idea sur la producziun fin la distribuziun e l'evaluaziun.

Mesira 3

Evaluaziun pli elevada da las producziuns en il sector dals arts represchentativs: I stattan a disposiziun meds finansials per represas e per turneas (entaifer ed ordaifer il Grischun) da projects culturals dals arts represchentativs e da concerts.

Finamira 3

La promoziun dal film vegn realisada

Mesira

I vegn elavurà e realisà in model da promoziun dal film (dal scenari fin la producziun e l'evaluaziun) per realisar projects da film.